



卷六十五

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷六十五
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

實賴宗戚

司馬穰苴列傳第四 史記六十四

孫子吳起列傳第五

史記六十五

孫子武者齊人也

正義曰魏武帝云孫子者齊人事於吳王闔閭為吳

將作兵法十三篇

以兵法見於吳王闔廬闔廬曰子

之十三篇

正義曰七錄云孫子兵法三卷案十三篇為上卷又有中下二卷

吾盡觀之矣可以小試勒兵乎對曰可闔廬

曰可試以婦人乎曰可於是許之出宮中羨

女得百八十人孫子分為二隊以王之寵姬

二人各為隊長

索隱曰隊徒對反長竹兩反

皆令持戟令

勒馬鑣術也秋名絡也絡其頭而引之也

申又重也明也
明約未也

之曰汝知而心與左右手背乎婦人曰知之
孫子曰前則視心左視左手右視右手後即
視背婦人曰諾約束既布乃設鈇鉞即三令
五申之於是鼓之右婦人大笑孫子曰約束
不明申令不熟將之罪也復三令五申而鼓
之左婦人復大笑孫子曰約束不明申令不
熟將之罪也既已明而不如法者吏士之罪
也乃欲斬左右隊長吳王從臺上觀見且斬

且未定也

愛姬大駭趣使使下令

索隱曰趣音促
急也使色吏反

曰寡

人已知將軍能用兵矣寡人非此二姬食不
甘味願勿斬也孫子曰臣既已受命為將將
在軍君命有所不受遂斬隊長二人以徇用
其次為隊長於是復鼓之婦人左右前後跪
起皆中規矩繩墨無敢出聲於是孫子使使
報王曰兵既整齊王可試下觀之唯王所欲
用之雖赴水火猶可也吳王曰將軍罷休就

舍寡人不願下觀孫子曰王徒好其言不能

用其實於是闔廬知孫子能用兵卒以為將

西破彊楚入郢北威齊晉顯名諸侯孫子與

有力焉孫武既死越絕書曰吳縣北門外大冢孫武冢也去縣十里

索隱曰越絕書子貢所著恐非也其書多記吳越亡後土地或後人所錄

正義曰七錄云越絕十六卷或云伍子胥撰後百餘歲有孫臏臏生阿鄆

之間臏亦孫武之後世子孫也孫臏嘗與龐

涓俱學兵法索隱曰臏頗忍反應龐涓既事

魏得為惠王將軍而自以為能不及孫臏乃

陰使召孫臏臏至龐涓恐其賢於己疾之則

以法刑斷其兩足而黥之欲隱勿見齊使者

如梁孫臏以刑徒陰見說齊使齊使以為奇

竊載與之齊齊將田忌善而客待之忌數與

齊諸公子馳逐重射孫子見其馬足不甚相

遠馬有上中下輩於是孫子謂田忌曰君弟

重射索隱曰弟但也臣能令君勝田忌信然

之與王及諸公子逐射千金正義曰射音石

金及臨質索隱曰質猶對也持發對射孫子

曰今以君之下駟與彼上駟取君上駟與彼

中駟取君中駟與彼下駟既馳三輩畢而田

忌一不勝而再勝卒得王千金於是忌進孫

子於威王威王問兵法遂以為師其後魏伐

趙趙急請救於齊齊威王欲將孫臏臏辭謝

曰刑餘之人不可於是乃以田忌為將而孫

子為師居輜車中坐為計謀田忌欲引兵之

趙孫子曰夫解雜亂紛糾者不控捲謂事之

雜亂紛糾也解雜亂紛糾者當善以手解之

不可控捲而擊之捲即拳劉云控總捲縮非

也救鬪者不搏撒索隱曰音博救鬪者

搏撒則其怒益熾矣按批亢擣虛索隱曰批

亢音苦浪反按批者相排批也音白滅反言

謂前人相亢必須批之彼兵若虛則衝擣之

也形格勢禁則自為解耳索隱曰謂若批其

搏音博手擊

撒音棘

批音披手擊

擣音也又擊也

也

是事形相格而其勢自
禁止則彼自為鮮兵也
今梁趙相攻輕兵銳

卒必竭於外老弱罷於內君不若引兵疾走

大梁據其街路衝其方虛彼必釋趙而自救

是我一舉解趙之圍而收弊於魏也索隱曰謂齊今

引兵據大梁之衝是衝其方虛之時梁必釋趙而自救是一舉釋趙而弊魏田忌

從之魏果去邯鄲與齊戰於桂陵大破梁軍

後十五年索隱曰王助按紀年梁惠王十七年齊田忌敗梁桂陵至二十七年

十二月齊田盼敗梁馬陵計相去無十三歲也魏與趙攻韓韓告急

悍候幹切男急也強狼也

於齊齊使田忌將而往直走大梁魏將龐涓

聞之去韓而歸齊軍既已過而西矣孫子謂

田忌曰彼三晉之兵素悍勇而輕齊齊號為

怯善戰者因其勢而利導之兵法百里而趣

利者蹶上將魏武帝曰蹶猶挫也○索隱曰蹶音巨月反劉氏云蹶猶斃也

五十里而趣利者軍半至使齊軍入魏地為

十萬竈明日為五萬竈又明日為三萬竈龐

涓行三日大喜曰我固知齊軍怯入吾地三

斫乃斬也

鑽穿也
燭又照也

日士卒亡者過半矣乃棄其步軍與其輕銳
倍日并行逐之孫子度其行暮當至馬陵馬
陵道狹而旁多阻隘可伏兵乃斫大樹白而
書之曰龐涓死于此樹之下於是令齊軍善
射者萬弩夾道而伏期日暮見火舉而俱發
龐涓果夜至斫木下見白書乃鑽火燭之讀
其書未畢齊軍萬弩俱發魏軍大亂相失龐
涓自知智窮兵敗乃自剄曰遂成豎子之名

索隱曰豎
子謂臆

齊因乘勝盡破其軍虜魏太子申

以歸孫臆以此名顯天下世傳其兵法

吳起者衛人也好用兵嘗學於曾子事魯君
齊人攻魯魯欲將吳起吳起取齊女為妻而
魯疑之吳起於是欲就名遂殺其妻以明不
與齊也魯卒以為將將而攻齊大破之魯人
或惡吳起曰起之為人猜忍人也其少時家
累千金游仕不遂遂破其家鄉黨笑之吳起

訣別絕也辭也

殺其謗已者三十餘人而東出衛郭門與其
母訣齧臂而盟曰起不為卿相不復入衛遂
事曾子居頃之其母死起終不歸曾子薄之
而與起絕起乃之魯學兵法以事魯君魯君
疑之起殺妻以求將夫魯小國而有戰勝之
名則諸侯圖魯矣且魯衛兄弟之國也而君
用起則是棄衛魯君疑之謝吳起吳起於是
聞魏文侯賢欲事之文侯問李克曰吳起何

如人哉李克曰起貪而好色

索隱曰王劭云此李克言吳起

貪下文云魏文侯知起廉盡能得士心又公叔之僕稱起為人節廉豈前貪而後廉何言之相反也今李克言起貪者起本家累千金破產求仕非實貪也蓋言貪者是貪榮名耳故母死不赴殺妻將魯是也或者起未委質於魏猶有貪迹及其見用則盡廉能亦何異乎陳平之為人也然用兵司馬穰苴不能過也於是

魏文侯以為將擊秦拔五城起之為將與士

卒最下者同衣食卧不設席行不騎乘親褰

羸糧與士卒分勞苦卒有病疽者起為吮之

裏古火切包也

吮嗽也敷音胡

索隱曰吮音弋軟反又才軟反季母聞而哭之人曰子率也而將軍自吮其疽何哭為母曰非然也往年吳公吮其父其父戰不旋踵遂死於敵吳公今又吮其子妾不知其死所矣是以哭之文侯以吳起善用兵廉平盡能得士心乃以為西河守以拒秦韓魏文侯既卒起事其子武侯武侯浮西河而下中流顧而謂吳起曰羨哉平山河之固此魏國之寶也起對曰在德

不在險昔三苗氏左洞庭右彭蠡德義不脩禹滅之夏桀之居左河濟右秦華伊闕在其南羊腸在其北賈曰今河南城為直之皇甫謐曰壺關有羊腸坂在太原晉陽西北脩政不仁湯放之殷紂之國左孟門索隱曰劉氏按紂都朝歌今孟山在右太其西今言左則東邊別有孟門也右太行常山在其北太河經其南脩政不德武王殺之由此觀之在德不在險君若不脩德舟中之人盡為敵國也揚子法言曰美哉言乎使起之用兵每若斯則

太公何武侯曰善即封吳起為西河守甚有
聲名魏置相相田文索隱曰呂氏春秋作商文吳起不悅
謂田文曰請與子論功可乎田文曰可起曰
將三軍使士卒樂死敵國不敢謀子孰與起
文曰不如子起曰治百官親萬民實府庫子
孰與起文曰不如子起曰守西河而秦兵不
敢東鄉韓趙賓從子孰與起文曰不如子起
曰此子三者皆出吾下而位加吾上何也文

曰主少國疑大臣未附百姓不信方是之時
屬之於子乎屬之於我乎起默然良久曰屬
之子矣文曰此乃吾所以居子之上也吳起
乃自知弗如田文田文既死公叔為相索隱曰韓
族之公尚魏公主而害吳起公叔之僕曰起易
去也公叔曰柰何其僕曰吳起為人節廉而
自喜名也君因先與武侯言曰夫吳起賢人
也而侯之國小又與疆秦壤界臣竊恐起之

喜又去声詩小雅我
之毛
一上声悅好之
去声

無留心也。武侯即曰：奈何？君因謂武侯曰：試
延以公主，起有留心，則必受之；無留心，則必
辭矣。以此卜之，君因名吳起而與歸，即令公
王怒而輕君。吳起見公主之賤，君也，則必辭。
於是吳起見公主之賤，魏相果辭魏武侯。武
侯疑之，而弗信也。吳起懼得罪，遂去，即之楚。
楚悼王素聞起賢，至則相楚，明法審令，捐不
急之官，廢公族，疏遠者，以撫養戰鬪之士，要

在彊兵，破馳說之言，從橫者，於是南平百越，
北并陳蔡，却三晉，西伐秦，諸侯患楚之彊，故
楚之貴戚盡欲害吳起。及悼王死，宗室大臣
作亂而攻吳起，吳起走之王尸而伏之，擊起
之徒，因射刺吳起，并中悼王。索隱曰：楚系悼
家悼王名疑。悼
王既葬，太子立。索隱曰：肅
王賊也。乃使令尹盡誅射
吳起而并中王尸者，坐射起而夷宗死者七
十餘家。

太史公曰世俗所稱師旅皆道孫子十三篇
吳起兵法世多有故弗論論其行事所施設
者語曰能行之者未必能言能言之者未必
能行孫子籌策龐涓明矣然不能蚤救患於
被刑吳起說武侯以形勢不如德然行之於
楚以刻暴少息亡其軀悲夫

索隱述贊曰

孫子兵法 一十三篇 美人既斬

良將得焉 則孫臏脚 籌策龐涓
吳起相魏 西河稱賢 慘礪事楚
死後留權

孫子吳起列傳第五

史記六十五